



二十一史論贊

U 8
1899
15



門リ8
1899
15



二十一 論贊 宋史

元 脫脫 修 明 沈國元 閱

王存孫固趙瞻傳堯俞

存○固○瞻○堯○俞○初○皆○善○王○安○石○及○其○秉○政○未○嘗○受○所○誘○餌○與○論○新○法○
終○不○詭○隨○及○元○祐○區○別○正○邪○其○論○蔡○確○詩○謗○之○罪○恐○為○已○甚○將○啓○
朋○黨○之○禍○豈○非○先○知○之○明○乎○它○有○更○張○隨○事○諫○止○不○少○循○默○狀○無○
矯○枉○過○中○之○失○故○能○不○亟○不○徐○進○退○有○道○在○元○祐○諸○臣○中○身○名○俱○
全○亦○難○矣○哉○

二十一 論贊

卷三十二 王存

一

大德堂

已甚則激○激則爭○爭則相勝○而不已○黨禍之所繇成也○寬大之○朝○不以○語言文字罪人○追及詩誦○豈非用壯之過歟○使蚤省此○論則安有紹聖熙寧中報復相尋之釁○讀之增愾○

梁燾王巖叟鄭雍孫永

宋○之○衰○也○人○才○尚○多○梁○燾○王○巖○叟○盡○忠○事○上○凡○有○過○舉○知○無○不○言○雖○或○從○或○違○而○隱○賦○有○虎○豹○在○山○之○勢○矣○第○以○新○州○之○舉○於○是○為○過○故○它○日○紹○聖○復○以○藉○口○使○元○祐○衆○賢○皆○罹○其○禍○由○是○再○變○而○為○宣○政○之○姦○臣○國○日○危○矣○鄭○雍○易○其○所○守○肆○擊○劉○摯○被○及○者○三○十○人○欲○結○章○惇○以○取○容○狀○而○終○亦○不○免○小○人○反○覆○專○務○自○全○竟○何○益○哉○孫○永○之○為○人○庶○得○其○中○焉○人○多○而○無○救○於○衰○此○不○善○用○其○才○之○過○也○立○言○最○可○味○

元絳許將鄧潤甫林希蔣之奇陸佃吳居厚溫益
王安石為政一時士大夫之素知名者變其守而從之比比皆狀
元絳所涖咸有異政亦諛事之陋矣許將嘗力止發司馬光墓此
為可稱而言者謂其仕於元祐紹聖以至建中左右視利權狀改
圖初無定論鄧潤甫初掌箋記盛有文名而首贊紹述之謀又表
章蔡確定策之功雖有它長無足觀矣林希草制務醜詆正人自
知隳壞名節擲筆而悔之何晚也弟旦反其所為糾劾巨姦善惡
豈相掩哉蔣之奇始德憑濮議晚披飛語擊舉主以自文小人之
魁傑者也吳居厚奉行新法剝下媚上溫益阿附二蔡物議不容

陸佃雖受經安石而不主新法元祐黨人之罪請一施薄罰而已
猶差賢於衆人焉

名下多虛繩以大節皆有可議其疵病甚著非史家好為吹索
也抑揚中宛轉曲折全是筆力搏掬

孫覺李常孔文仲李周鮮於侁

詩云時靡有爭王心載寧王安石之為相可謂致天下之爭而君
心不寧矣孫覺李常力諍新法寧失於人之意毅朕去之而無悔
賢哉孔文仲之策制科以微官慷慨論事言雖不聽而名徹上聰
安石既斥其人又廢其科何遷怒之甚耶鮮於侁早識安石敗事
與呂誨同見幾先馬默用張方平薦為御史至其盡言而不諱方
平止之而不聽斯為不負知已矣李周之耿介顧臨之用兵李之
純王觀再黜而不改其正亦足以見一時之多賢焉
相非其人上下皆失其所故卜可不慎哉幸有諸公一吐正氣

使我悠賦於勁草之什

劉安世 鄒浩 陳瓘 任伯雨

劉安世復父彥博之言。時年尚少。狀其言即元祐之初政。而司馬光之用心也。鄒浩諫立劉后。反復曲折。極人所難言。人字不輕予俱入白其母。母俱勉以盡忠報國。無分毫顧慮。後患意嗚呼賢哉。陳瓘任伯雨抗迹疏遠。立朝寡援。而力發章惇曾布蔡京蔡卞羣姦之罪。無少畏忌。古所謂剛正不撓者歟。

沈長升曰。表二母之賢。竅有關禪。昔人所以重胎教也。

鄒志完以極諫得罪。世猶以責直疑之。何其刻哉。幸有程明道先生不當於無過中求有過一語。表明直臣心迹。真君子之言。

也。

陳次升陳師錫彭汝礪呂陶張廷堅龔夬孫諤陳軒江公望

陳祐常安民

次升從容一言止呂升卿之使嶺南大有功於元祐諸臣師錫謂
蔡京若用天下治亂自是而分惜其言不行於當時而徒有驗於
其後汝礪辨抹蔡確以直報怨陶言榷茶為西南害毅狀觸蒲李
之鋒庭堅論紹復未足以盡孝道諤言世非乏士患上不知乃薦
可用者二十有二人蹕稱鯁直裨益尤多軒力陳青苗貽害願以
清淨為治祐擊林希且論惇京卞革斥死弗悔公望謂神宗於元
祐諸臣非有射鈎斬祛之隙而終不能移姦邪先入之言夫擊逐

軍悖蔡京蔡卞於外亦足少泄四海臣民之憤朕京卞既仆即起已去復來至於阡危不悟也庸暗之主可與言哉安民人虎多少之喻惴惴焉懼不足以勝小人不幸而羣姦相繼用事在廷忠直之臣動因事而斥去之馴致清康之禍其所由來遠矣熟使之小人得政可畏夫

張玉賢曰君心之明暗為消長治亂關頭洞識原本之論感憤之辭生氣滿楮

孫懿吳時李昭玘吳師禮王漢之黃廉朱服張舜民盛陶章

衡願復孫升韓川龔鼎臣鄭穆席旦喬執中

宋之人才自祖宗涵養至於中葉盛矣願復鄭穆醇朕儒者宜居師表龔鼎臣喬執中始終不渝厥守豈易得哉章衡欲復山後八州為國啓釁孫升以蘇軾比王安石為人韓川詆張舜民之言不可行席旦以蔡王見疑因而擯之朕瑕不掩瑜它善蓋亦有可稱者古稱才難不其朕者其斯之謂歟

褒貶秩朕而婉折之致自在

傅楫沈疇徐勣張汝明黃葆光石公弼毛注洪彥升鍾傳陶

節夫毛漸王祖道張莊趙適

夏人時。陷窳。逐之。使出。則已。章惇。蔡京。故。撓。之。用。兵。塗。邊。人。肝。腦。於。地。以。倖。已。成。功。不。亦。真。乎。諸。蠻。溪。峒。茅。瘴。非。人。域。鳩。虺。與。居。况。無。敢。闖。吾。圍。京。廼。使。祖。道。張。莊。之。徒。鑿。空。為。功。舉。中。國。重。貨。棄。諸。不。毛。而。文。飾。姦。慝。鋪。張。表。賀。徽。宗。亦。偃。朕。受。其。欺。好。大。黷。武。之。心。一。侈。而。燕。翔。之。謀。作。矣。詩。曰。池。之。竭。矣。不。云。自。潁。泉。之。竭。矣。不。云。自。中。微。之。耗。內。貪。外。馴。召。禍。敗。跡。所。從。來。此。其。本。也。嗚。呼。可。不。戒。哉。

論

傳

八

大

落筆真至。雖相去數百年。而暗主邪臣。一段臭味。相投肝胆。相信開卷。若覩。

[Faint bleed-through text from the reverse side of the page]

郝質賈逵竇舜卿劉昌祚盧政燕達姚兕楊燧劉舜卿宋守

約

自郝質至宋守約。皆恂直忠篤。為一時名將。遭世承平。邊疆少警。擁節旄。立殿陛。高爵重祿。以壽考終。宜也。姚氏世用武。奮兕與弟麟。泣有威名。關中韓二姚。兕之子。雄亦以戰功至節度使。而古竟以敗。其才否可見已。

一氣注下。只以虛字活句作煞。有無限含吐之致。

苗授王君萬張守約王文郁周永清劉紹能王光祖李浩和
斌劉仲武曲珍劉闡郭成賈嵩張整張蘊王恩楊應詢趙
隆

苗授策錢南之不可城。履不肯討阿章。永清不以地與敵。文郁撫
納香唯紹能之忠勇。珍之忠朴好義。光祖應詢明於料敵。守約及
整御衆嚴明。斌浩之善戰。嵩恩之善射。闡之出則先登。入則殿後。
其材雖殊。其可以任奔走禦侮之責於四境。則一也。成以捍衛邊
陲。服勤致死。明詔褒飭。廟食一方。宜哉。君萬挾誣報怨。贍狡譎喜。
功國有常罰。父子請死亦宜也。說首取燕。終變其說。既黜旋復。為

失刑矣。至若仲武敗則引咎責已。勝則不自言功。隆不敢啓釁干賞。蘊甘分而辭榮。有士君子之行焉。尤武士之所難能也。

朱幼柱曰：果邁之氣足。處千羣。

趙挺之張商英劉正夫何執中鄭居中張康國朱諤劉遠林

摠管師仁侯蒙

崇寧宣和之間。政在蔡京。罷不旋踵。輒起姦黨。日蕃。一時貪得患失之小人。度徽宗終不能去之。莫不趨走其門。若張康國。朱諤。劉遠林。摠者皆是也。康國遠中。雖異京。朕其材智。皆非京敵。卒為京黨所擊。摠奉京姦謀。激怒鄰國。渝約啓釁。罪莫大焉。易曰：開國承家。小人勿用。其謂是歟。管師仁執政僅兩月。引疾求去。斯可尚已。侯蒙建治。五路將帥。力為申理。十八人者。繇之而免。其仁人利博之言乎。

其筆快其詞直史職修舉

[Faint bleed-through text from the reverse side of the page, including characters like '蔡京', '王安中', and '野曹輔']

唐格李邦彥余深薛昂吳敏王安中王襄趙野曹輔耿南仲
蔡京以紹述為羅張端官修士而盡之上箱下錮其術巧矣徽宗
亦頗悟間用鄭居中王黼李邦彥輩褫京柄權以不肖易不肖猶
去野葛而代鳥咏也庸愈哉當是時王蔡二黨階京者芘京締黼
者右黼援麗省臺迭相指嗾微功挑患汴洛既震則惟縮無策苟
生句和彼邦彥安中深敏輩誤國之罪當正其侈而欽高二君徒
從竄典信失刑矣恪既預推戴署狀乃死無足贖者輔以小臣廁
上面譙大臣坐斥不變獨終始無朋與其賢矣乎

王順渠曰溫公申公大用未究明道召為宗正丞未至皆不愆

遺而蔡京八十歲方死。天之欲亂人國也如此哉。
沈伯緋曰：議論風發，兼有妍美之姿。

何桌孫傳陳過廷張叔夜聶昌張閣張近鄭僅字久昌齡許

幾程之邵龔原崔公度蒲卣

傳曰：尺有所不逮，寸有所不單。觀二張之理，郡鄭僅之守，藩字久
父子之便，邊糶車馬政許幾程之節，之經制財運蒲卣之議稅權，
皆有可稱道。若閣之固，罷於花后，而龔原崔公度主王氏學以諂
事安石，則縉紳所不齒也。
姬長源曰：文如錯綉，大可披覽。

沈銖路昌衡謝文璣陸蘊黃寔姚祐樓昇沈積中李伯宗汪

澣何常葉祖洽時彥霍端友俞棗蔡蕤

哲微紹述尚王氏學非是無以得高第葉祖洽首迎合時相意擢
第一自是靡朕士風大壞得人亦哀而上之恩秩亦薄矣熙寧而
後訖於宣和首選十八人唯何棗馬消與此五人有傳朕時彥端
友齷齪祖洽俞棗蔡蕤愼邪小人。繇王氏之學不正害人心術橫
潰爛熳并邦家而覆之。如是其惜焉此孟子所以必辨邪說正人
心也。

學術不正貽禍甚烈安可不審所趨尚。三復斯論君相之係誠

十一 史 命 續 卷三十二 沈銖 十四 大來堂

重矣

賈易董敦逸上宮均來之仰葉濤楊畏崔台符楊汲呂嘉問

李南公董必虞策郭知章

神宗好大喜功之資。王安石呂惠卿出而與之遇。合流毒不能止也。哲徽之世一變而為蔡確章惇曾布。又變而為蔡京蔡卞。日有甚之。而天下亡矣。乘時起而附之者甚衆。若崔台符楊汲以獄殺民。呂嘉問以均輸困民。董必肆酷欲害流人。以取悅李南公。以反覆詭隨。虞策以心持兩端。郭知章迎合時好。且發實錄之誣。觀諸人所學。與其從政。已多可尚。何樂而為此惡哉。不過視一時君相之好尚。將以取富貴而已。設使神宗如仁宗之治。哲徽承之。必無

紹述之禍。雖安石輩亦將有所薰陶。而未必肆其情。以至是。況此諸人乎。世道污隆。士習升降。係於人主一念慮之趣向。可不戒哉。可不懼哉。

李卓吾曰。惠卿美才。王雱百計害之。惠卿以為皆安石所教也。發其私書。世人報復。雪已常態耳。夫愛生惡死。人人同心。急功名。懼禍敗。畏譏毀。獨一惠卿狀哉。蘇子由之疏過矣。令人何可當也。章惇性剛狠。膽粗才膽。以衆人攻擊。不得伸其氣。輒爾乘時報復。使有主賢相愛而用之。亦足建功定國。非邪。蔡確此也。論中設使一段。所見畧同。

沈仲麟曰。疏快之論。可以破除蔽溺。

崔鷗張根任諒周常

徽宗荒於治。嬖倖塞朝。柄移權姦。不鳴者進。習為腰褻。鷗根諒常。
 氣節侃侃。指切時敝。能盡言不諱。卒不勝讒。舌根常死。外鷗諒甫。
 用而病奪之。可悲也已。金兵既舉。郭藥師已叛。朝廷猶弗知。矧能。
 先見禍幾哉。毋或乎任諒之言也。
 北轅之釁。昏德之稱。良繇道君自取。是以明主貴聽言也。

[Faint bleed-through text from the reverse side of the page]

何灌李熙靖王雲譚世勳梅執禮程振劉延慶

靖康之變執禮振不忍都人塗炭拒疆敵無猷之欲親逢其凶靖
世勳不肯以一身事二姓悲不食以終灌延慶戰敗而沒此數人
者其所遭不同至於死國難則一而已雲之死雖其有以取之殆
亦天未欲絕宋祀也不朕是行也康王其危哉
姚長源曰抽雲另講化極為活矣

[Faint bleed-through text from the reverse side of the page]

李綱

以李綱之賢，使得畢力殫慮於靖康建炎間，莫或撓之。確論二帝何至於北行，而宋豈至為南渡之偏安哉。夫用君子則安，用小人則危，不易之理也。人情莫不喜安而惡危，朕綱居相位僅七十日，其謀歎不見用，獨於黃潛善、汪伯彥、秦檜之言信而任之，恒若不及何高宗之見與人殊哉。綱雖屢斥忠誠，不少貶，不以用舍為語。默若赤子之慕其母，怒呵猶噉噉焉，挽其裳裾而從之。嗚呼！中興功業之不振，君子固歸之天，若綱之心，其可謂非諸葛孔明之用心歟。

沈雄飛曰：懇惻語動人至性。

史以中興之機與李伯紀而王元美深不朕之謂當三鎮未潰之時伯紀尚可為之日迺十抗詔而不一師而求罷漢法不足誅也猶之可也獨以其召相而首請誅張邦昌為非策何耶幹離不深入兩河觀望人人懷二若不正以君臣大義叛逆接踵寧止劉豫張孝純數輩而已哉朱紫陽稱其知有君父而不知有其身知天下之有安危而不知其身之有禍福為一世偉人諒哉

宗澤趙鼎

是合傳本旨

夫謀國用兵之道有及時乘銳而可以立功者有養威持重而後能有為者二者之設施不同其為忠一而已方金人逼二帝北行宗社失主宗澤一呼而河北義旅數十萬眾若響之赴聲實由澤之忠忱義氣有以風動之抑斯民目睹君父之隔於塗淖孰無憤激之心哉使當其時澤得勇往直前無或齟齬牽制之則反二帝復舊都特一指顧間耳黃潛善汪伯彥嫉能而甚功使澤不得信其志發憤而薨豈不悲哉及趙鼎為相則南北之勢成矣兩敵之相持非有灼朕可乘之釁則養吾力以俟時否則徒取危困之辱

故鼎之為國專以固本為先根本固而後敵可圖雖可復此鼎之心也惜乎一見忌於秦檜斥逐遠徙卒齎其志而止君子所尤痛心也竊嘗論澤鼎之終而益有感焉澤之易簣也猶連呼渡河者三而鼎自題其銘旌有氣作山河壯本朝之語何二臣之愛君憂國雖處死生禍變之際而猶不渝若是而高宗惑於儉邪之口乍任乍黜所謂善善而不能用千載而下忠臣義士猶為之撫拳扼腕國之不競有以哉

繆湘芷曰固本之計尤以培養元氣為先汲引善類除元佑黨籍此意更不可及

兩忠簡叙作一傳竅有深意蓋明乎時勢乃可以權衡人事耳

張浚

儒者之於國家能養其正直之氣則足以正君心一衆志攘凶道
 處憂患益無往而不自得焉若張浚者可謂善養其氣者矣觀其
 初。延。張。邦。昌。之。議。平。苗。劉。之。亂。其。才。識。固。非。偷。懦。之。所。敢。望。及。其
 攘。卻。勅。敵。招。降。劇。盜。能。使。將。帥。用。命。所。嚮。如。志。遠。人。伺。其。用。舍。為
 進。退。天。下。占。其。出。處。為。安。危。豈。非。卓。然。所。謂。人。豪。者。歟。羣。言。沸。騰
 屢。奮。屢。躓。而。辭。氣。慨。然。嘗。曰。上。如。欲。復。用。浚。當。即。日。就。道。不。敢。以
 老。病。辭。其。言。如。是。則。其。愛。君。憂。國。之。心。為。何。如。哉。時。論。以。浚。之。忠
 大。類。漢。諸。葛。亮。狀。亮。能。使。魏。延。楊。儀。終。其。身。不。為。異。同。浚。以。吳。玠

故○遂○殺○曲○端○亮○能○容○法○孝○直○浚○不○能○容○李○綱○趙○鼎○而○又○詆○之○茲○所○
以○為○不○及○歟○至○於○富○平○之○潰○師○淮○西○之○兵○變○則○成○敗○利○鈍○雖○亮○不○
能○逆○睹○也○

柯瞿庵曰持論平直

朱紫陽論張魏公材力雖不逮而忠義之心天下知之只是不
與人共事有自為之意此念病痛不小夫自為必將忌人浚讒
入而李忠定去忠定去而宋之亡幾此矣王順渠甚其辭而謂
之罪魁當矣後雖知忠定之忠而薦之亦何補於宋祚之促哉
是以大臣貴有其才有其識有其氣尤貴有其量蓄皆偏善也

朱勝非呂頤浩范宗尹范致虛呂好問

朱勝非呂頤浩○虞苗劉之變○或哭用其智○或震奮其威○其於復辟
計賊之功○固有可言矣○朕李綱趙鼎○當世之所謂賢者○而勝非頤
浩視之○若冰炭○朕其中之所存果何如哉○范宗尹○忍於汙張邦昌
之偽命○而誣李綱○以震主之威○何其繆於是非也○范致虛○佞附權
臣大諛已失○其總勤王之師○輕而寡謀○以底於敗○宜哉○若呂好問
虞艱難之際○其跡與宗尹同○而屈已就事○以規興復○亦若勝非之
虞苗劉○其心有足亮云○

趙卓午曰辭氣昌明

十一 史言考
卷三十二
李光
九

李光許翰許景衡張慤張所陳禾蔣猷

夫○拯○溺○拯○焚○之○際○必○以○任○人○為○急○靖○康○建○炎○之○禍○變○亦○甚○於○焚○溺○矣○當○時○非○乏○人○才○也○朕○而○國○耻○卒○不○能○雪○者○豈○非○任○之○道○有○所○未○至○歟○夫○以○李○光○之○才○識○高○明○所○至○有○殷○許○翰○許○景○衡○之○議○論○剴○切○張○慤○之○善○理○財○張○所○之○習○知○河○北○利○害○皆○一○時○之○雋○也○是○數○臣○者○使○其○言○聽○計○從○不○為○說○邪○所○抑○得○以○直○行○其○志○其○效○宜○可○待○也○朕○或○斥○遠○以○死○或○用○之○不○竟○其○才○世○之○治○亂○安○危○雖○非○人○力○所○為○君子○於○此○則○不○能○無○咎○於○時○君○之○失○政○焉○蔣○猷○歷○仕○五○朝○當○建○炎○初○避○地○而○終○則○無○足○稱○也○陳○禾○引○裾○盡○言○有○古○諫○臣○之○風○其○行○事

二十一 史言考
卷三十二 李光
二十四
大來堂

在宣和之前。孝宗以後。乃加褒謚云。
時君失政。莫大於有人而不能任。申論亦足達其旨。

韓世忠

古人有言。天下安。注意相。天下危。注意將。宋靖康建炎之際。天下安危之機也。勇畧忠義。如韓世忠。而為將。是天以資宋之興復也。方兀末渡江。惟世忠與之對陣。以間暇示之。及劉豫廢中原人心動搖。世忠請乘時進兵。此機何可失也。高宗惟姦檜之言。是聽。使世忠不得盡展其才。和議成而宋事去矣。暮年退居行都。口不言兵。部曲舊將。不與相見。蓋懲岳飛之事也。昔漢文帝思頗牧於前代。宋有世忠。而不善用。惜哉。

馮濟仲曰。此論何其精警。宋史成於衆賢之手。故筆力互異。

忠武為中興名將。惜時主和議。恢復之功未樹。狀以計紹魏良臣。反兵擊兀术於大儀鎮。驚破虜人之胆。雖為千古快舉。而不知政以速其和議之成也。天意所在。人力不足以爭之。悲哉。

岳飛

西漢而下。若韓彭絳灌之為將。代不乏人。求其文武全器。仁智並施。如宋岳飛者。一代豈多見哉。史稱關雲長通春秋左氏學。狀未嘗見其文章。飛北伐。軍至汴梁之朱仙鎮。有詔班師。飛自為表。答詔。忠義之言。流出肺腑。真有諸葛孔明之風。而卒死於秦檜之手。蓋飛與檜勢不兩立。使飛得志。則金讐可復。宋耻可雪。檜得志。則飛有死而已。昔劉宋殺檀道濟。道濟下獄。嗔目曰。自壞汝萬里長城。高宗忍自棄其中原。故忍殺飛。嗚呼。冤哉。嗚呼。冤哉。章大力曰。三引喻以起議論。波瀾甚濶。

忍字是高宗膏芒之病。忘親事仇。晏安江沱。不仁不孝之尤者。也。故當時忠臣義士。凡言反復仇雪耻者。皆犯其所深忌。而飛則又甚焉者也。高宗積忿於飛。必有露於外者。秦檜張浚窺見其微。故慫恿以成之耳。此論直誅其心。書法與丘公義例同。其嚴正。

劉錡吳玠吳玠

劉錡神機武畧。出奇制勝。順昌之捷。威震敵國。雖韓信。泚上之軍。無以過焉。或謂其英傑不足。雅量有餘。豈其狀乎。吳玠與弟玠。智勇忠實。戮力協心。據險抗敵。卒保全蜀。以功名終。盛哉。挺累從征。討功效甚矣。有父風焉。朕玠晚頗荒淫。玠多喪敗。豈徂於常勝。驕心侈歎。抑三世為將。釀成逆曦之變。霞其宗祀。蓋有由焉。未歎語真有道之言。不可不以為戒。

李顯忠楊存中郭浩楊政

李顯忠生而神奇。立功異域。父子破家殉國。志復中原。中。雁。纓。搆。屢遭廢黜。傷哉。楊存中出入淮甸。無大勝負。典兵家久。貴寵獨隆。狀頗能知幾。不貼禍敗。其亦有天幸者歟。郭浩。楊政。克左右玠璘兄弟。保全川蜀。歎君子皆人所屬。倚以成功者。奈何。撓於和議。頻失事機。人心沮喪。不得如吉甫方叔受祉。振旅以成中興之業。惜哉。

分叙總斷。參差如雁行。歸咎和議。尤得論事之本。

王德王彥魏勝張憲楊再興牛皋胡閻休

王德素有威畧。蚤隸劉光世。審其不可恃。晚從張俊。竟以功名顯。其知所擇哉。王彥棄家赴國。累破堅敵。威震河朔。晚奪兵柄。使之治郡。用違其材。惜矣。魏勝崛起。無甲兵糧餉之資。提數千烏合之衆。抗金人數十萬之師。卒完一州。名震當時。壯哉。朕見忌於諸將。無援而戰。死亦可惜矣。張憲等五人。皆岳飛部將。為敵所畏。亦一時之傑也。朕或以戰沒。或以憤卒。而憲以不證。飛獄冤死。悲夫。各自立斷。音調珠清。越窈窕。

張俊張宗顏劉光世王淵解元曲端

南渡諸將以張韓劉岳並稱而俊為之冠。狀夷考其行事則有不
狀者。俊受心膂爪牙之寄。其平苗劉雖有勤王之績。狀既不能守
越。又棄四明。負亦不少。矧其附檜主和。謀殺岳飛。保全富貴。取媚
人主。其負戾又如何哉。光世自恃宿將。選沮却畏。不用上命。師律
不嚴。卒致鄙瑣之叛。迎合檜意。首納軍權。雖得善終。腐下君子不
貴也。二人方之韓岳。益遠矣。狀子蓋宗顏。韓俊子弟著海之功。泗
上之捷。亦足稱為王淵。以總卒扈從。有勞遂至驕盈。失將士心。自
取漫敗。況結托康履。與光世一轍。烏足道哉。解元始由韓世忠進

二十一史論賈

卷三十二 張俊

三十

大業堂

二十一史論賈

卷三十二

大業堂

其攻城野戰未嘗敗衄有可稱者不幸早世惜哉曲端劉復自用
 輕視其上勞效未著動違節制張浚殺之雖完蓋亦自取焉爾
 周一韓曰總起分斷議論確乎可垂掃盡俗案

王友直李寶成閔趙密劉子羽呂祉胡世將鄭剛中
 自紹興和議成材武善謀之士無所用其力若王友直之矯制起
 兵李寶之立功膠西成閔趙密皆足以斬將搴旗劉子羽轉戰屢
 勝呂祉不從劉豫胡世將鄭剛中威震巴蜀皆中道以歿是以知
 宋不克興復也
 人事如此天意又如彼可勝憤悼

白時中徐處仁馮澥王倫宇文虛中湯思退
排揚時誤李劉異張浚其識趣可見矣雖有小善何足算哉王倫
雖以無行應使往來虎口屢被拘留及金人脅之以官竟不從見
迫而死悲夫較之虛中即受其命為之定官制草赦文享富貴者
大有間矣卒以輕肆譏誣覆其家族真不知義命者哉雖云冤死
亦自取焉律以豫讓之言益可愧哉
物以類聚讀此論第覺陰氣蕭瑟如入鬼方

白時中徐處仁馮澥王倫宇文虛中湯思退

以白時中之孱佞徐處仁之姦細馮澥之邪狂湯思退之巧詐而
排揚時誤李劉異張浚其識趣可見矣雖有小善何足算哉王倫
雖以無行應使往來虎口屢被拘留及金人脅之以官竟不從見
迫而死悲夫較之虛中即受其命為之定官制草赦文享富貴者
大有間矣卒以輕肆譏誣覆其家族真不知義命者哉雖云冤死
亦自取焉律以豫讓之言益可愧哉
物以類聚讀此論第覺陰氣蕭瑟如入鬼方

朱弁鄭望之張卽洪皓

孔子云使於四方不辱君命可謂士矣當建炎紹興之際凡使金者如揆虎口能全節而歸者朱弁張卽洪皓其庶幾乎望之不足議也皓留北十五年忠節尤著高祖謂蘇武不能過誠哉朕竟以忤秦檜誦死悲夫其子迺遵邁相繼登詞科文名滿天下迺位極台輔而邁文學尤高立朝議論最多所謂忠義之報詎不信夫引經叙論入題後將四人合叙一遍方歸重皓身并反其子多寡輕重史公權衡在心一黍不差

朱倬王綸尹穡王之望徐俯沈與求翟汝文王庶辛炳
秦檜大奸晚薦士以收人望朕一時知名之士亦豈盡可籠絡者哉朱
倬論事輒不合王綸代言辭合體要若尹穡王之望人品雖不同
其附和議則一爾徐俯未與趙鼎爭辨沮抑岳飛異哉沈與求止
和親之議翟汝文善料事而檜以為異已王庶論都荊州當時諸
臣之慮皆不及此考夫祈寬之事庶蓋忠義人也辛炳雅志清脩
又豈多見也歟

孫意白曰冒語振起一篇之勢名士一言若予若刺舍意深永
薦士收人望此莽操智是以李卓吾曰使檜不死高宗有寒心

二十一 史記卷
卷三十一
心矣。使檜幸而永年，高宗不壽，檜不但欲受九錫已也。原其所
以竭力事金者，異它日如契丹立后，敵塘故事耳。其設心自以
坐而享張邦昌劉豫之貴也。趙鼎諸人不學無術，盡入其術中
而不悟。悲夫。

張九成胡銓廖剛李迨趙開

秦檜執國柄，其誤宋失計，固無以議為也。張九成之策，胡銓之疏，
忠義凜然。廖剛請復用德望之人，豈苟阿時好者哉。李迨趙開所
謂可使治其賦也歟。

王芥庵曰：搖宕多姿。

紫陽稱張子韶人物甚偉，南軒謂澹庵諫書與日月爭光。一謚
文忠，一謚忠簡，當矣。

鄧肅李邴滕康張守富直柔馮康國

鄧肅李邴滕康當危急存亡之秋皆侃侃正色知無不言張守論

事明遠富直柔

鄧肅李邴滕康張守富直柔馮康國

鄧肅李邴滕康當危急存亡之秋皆侃侃正色知無不言張守論

事明遠富直柔也阮於秦檜呂頤浩馮康國說折二函皆有用之才

皆字作骨。似乎兩對。而參差之致。政復可懷。

常同張致遠薛徽言陳淵魏仁潘良貴呂本中

傳有之。不有君子。其何能國。紹興之世。呂頤浩。秦檜在相位。雖有君子。豈得盡其志。宋之不能圖復中原。雖曰天命。豈非人事乎。若常同。張致遠。薛徽言。陳淵。魏仁。潘良貴。呂本中。其才猷皆可以經邦。其風節皆可以厲世。朕皆論議不合。奉祠去國。可為永慨矣。

引義雅正。合新雄練。連用三皆字。不嫌其複。惟見其老。

向子諲陳規季陵盧知原陳楠李瑒李朴王庠王衣

向子諲以相家之子克飭臣節陳規以文儒之臣有殺鎮守可謂

拔乎流俗者焉季陵言事不諱立盧兄弟並用以材見稱陳楠守

禮知變李瑒為政有惠咸足紀焉李朴不誅權威王庠志高而晚

節頗哀王衣明恕而用刑不刻雖或器識不齊亦皆不曠其職者

歟

每用疇零語作斷作繳塵落跌宕之致政於此見其妙前史多

有此法

衛膚敏劉珏胡舜陟沈晦劉一止胡交脩蔡崇禮

建○炎○紹○興○之○際○網○羅○俊○彥○布○於○庶○職○如○衛○膚○敏○以○下○七○人○者○其○論○
議○時○政○指○陳○闕○失○雖○或○好○惡○多○不○同○亦○皆○一○時○之○表○表○者○矧○一○止○
寧○止○兄○弟○之○忠○清○交○脩○崇○禮○之○詞○翰○又○有○助○於○治○化○者○焉○
吳○心○啓○曰○審○局○運○機○最○為○持○重○

章諒韓肖胄陳公輔張翥胡松年曹勛李植韓公裔
章諒有蹇諤之節肖胄席父祖之蔭二人多所論建奉使不辱亦
可取矣陳公輔得諫臣之體其劾蔡京王黼之黨論吳敏李劄之
隙是矣朕既辨安石學術之害而不尚程頤之學何邪張翥斥蔡
京之禍薦楊時之賢其趣操正矣况平寇有術而不自以為功乎
松年鄙秦檜而不交知命通方固不易得而曹勛崎嶇兵間稍著
勞勳朕金人入侵之計已決猶曰鄰國恭順無它何其見幾之不
蚤邪若李植韓公裔蚤著忠蓋為天子故人能與黃潛善秦檜為
異閉門不出待時而動斯亦知所向方者哉

此頁文字極其模糊，似有殘存之字，但難以辨認。可見此書在流傳過程中，或因紙質變質，或因抄寫不清，導致部分文字遺失或模糊。從版面看，此頁應有與左頁對應的正文或評語。

散筆直叙。最為老勁。中以一二閑冷字作渡。更覺嫵媚。

何鑄王次翁范同楊愿樓始句龍如淵薛弼羅汝楫蕭振

一〇字轉

何鑄王次翁以下數人者。附麗秦檜。斥逐忠良。以饕富貴。而次翁尤為柔媚。故檜獨憐之。其在位最久。孔子所謂鄙夫患得患失。無所不至者。此輩是已。鑄能伸岳飛之枉。雖為可尚。朕又為之使金而通問焉。蓋墮其術而不悟者。檜之計深哉。曰獨憐。曰計深。具見奸臣作用。書法妙絕。

[Faint bleed-through text from the reverse side of the page]

范如圭吳表臣王居正晏敦復黃龜年程瑀張闡洪擬趙遠
 如圭師於安國居正師於楊時敦復師於程頤表臣交於陳瓘其
 師友淵源有自來矣故其議論謹直剛嚴鯁峭不惑異說不畏疆
 禦大畧相似若夫居正辨王氏三經之繆龜年首劾秦檜主和之
 非程瑀力排蔡京之黨尤為有功於名教張闡論事無避洪擬朴
 實端亮趙遠純正善父皆一時之良為檜所忌而不撓者語曰歲
 寒狀後知松栢之後凋信哉
 閱此論如入蘭蕙桂林芳氣襲人百世之下若此況當日親炙
 之者乎為之神往

張燾黃中孫道夫曾幾勾濤李彌遜

宋既南渡日以徽宗梓宮及韋后為念秦檜主和甘心屈已張燾
連章論列謀深慮遠其言取必於天豈忘宗社之讎哉亦曰相時
而動耳惜其利澤專於蜀也黃中不黨不阿明察料敵立朝忠實
退不忘君道夫受知張浚憂國而不為身謀曾幾積學潔行風節
凜凜陳嘗膽枕戈之言以贊親征亦壯矣哉勾濤直節正論不受
檜私潔身歸老彌遜曾開同沮和議廢絀以沒無怨懟心所謂臨
大節而不可奪者歟
忠正之氣細縕滿楮讀未竟齒甲俱馨

陳俊卿虞允文辛次膺

美之七

孝宗志恢復特任張浚俊卿斥嘉黨明公道以為之佐洎居中書知無不為言無不盡蓋其立志一以先哲為法非它相可擬也允文許國之忠炳如丹青金庠人亮之南侵其鋒甚銳中外倚劉錡為長城錡以病不克進師允文儒臣奮勇督戰士舉而挫之亮乃自斃昔赤壁一勝而三國勢成淮淝一勝而南北勢定允文采石之功宋事轉危為安實係乎此及其罷相鎮蜀受命興復尅期而往志雖未就其能慷慨任重豈易得哉次膺力排羣邪無負言責涖政不煩居約有守晚再立朝謇諤尤著南渡直言之臣宜為首

二十一史論贊

卷三十二 陳俊卿

四十四

大來堂

稱焉。人既出色。文亦精采。麟鳳星雲。未足喻其瑞也。

陳康伯梁克家汪澈葉義問蔣希葉顯葉衡

陳康伯以經濟自任。臨時明斷。梁克家才優識遠。謀國盡忠。至若汪澈之論事。忠慤薦達。人才葉義問直言正色。掃除秦檜餘黨。朕不長於兵。臨敵失措。豈優議論而劣事功者歟。葉顯清儉正直。而衡才智有餘。蓋亦一時之選云。

李昉曰。掃除奸黨。易薦達人才。難。書法甚妙。細味之。自見。

葛邲錢端禮魏杞周葵施師點蕭燧龔茂良

葛邲在相位雖不久而能守法度進人才其處已也。則以不欺為本。錢端禮以戚屬為相。周葵晚雖不附秦檜而與龔茂良皆主和議。若乃魏杞奉使知尊國體。施師點之靖重有守。蕭燧忠實敢言。仕於紹興之間可謂不幸矣。

前後數子着議精神中三人稍抑之。絕似蜂腰之格。

卷二十二
大宋堂

劉珙王蘭黃祖舜王大寶金安節王副中李彥穎范成大

劉珙忠義世家。迨屬續以未雪讐耻為深恨。王蘭犯顏忠諫。劉腸

嫉惡。方趙鼎張浚非罪遠謫。朋友絕踪。大寶獨從之。游建斥權姦。

了無顧忌。安節距秦檜排淵覲。堅如金石。孤立無黨。死生禍福。曾

不一動其心。當金兵犯大散關。副中單騎星馳。夜叙吳璘一戰。却

敵成大致書北庭。幾於見殺。卒不辱命。俱有吉大臣風。裂孔子所

謂歲寒。朕後知松栢之後凋者歟。若祖舜奪楊愿。思禱秦熹。秩誅

檜惡於既死。彥穎論事激烈。披露忠蓋。真氣不可尚已。

諸公大節與天壤同壽。此文筆力足以傳之。

二十一 命責
卷三十二 劉洪
四十七
大宋堂

黃洽汪應辰王十朋吳芾陳良翰桂革老

黃洽渾厚有守應辰學術精醇尤稱骨鯁十朋吳芾良翰革老相

好○機○會○繼在臺府應詆姦倖直言無隱皆事上忠而自信篤足以當大任

者○惜○不○足○其○用○焉○

精○疑○有○體○可○方○古○史○

言者 卷三十一 十一

黃洽 四十八

[Faint bleed-through text from the reverse side of the page]

周執羔王希呂陳良祐李浩陳橐胡沂唐文若李燾

執羔宿德雅度在經筵忠忱啓沃以口舌相高為戒希呂剛直恢

切有古引涪風良祐力止汎使懼開釁端忤旨竄斥而甘心焉李

浩獨不造秦熹陳橐以呈身為耻文若譏生兵胡沂斤闔宦其清

風苦節終始弗渝高孝之世李燾耻讀王氏書掇拾禮文殘缺之

餘繁狀有則長編之作咸稱史才狀所掇拾或出野史春秋傳疑

傳信之法狀歟

王幼章曰音節鏗鏘

尤袤謝諤顏一即魯表樞李椿劉儀鳳張孝祥

尤袤學本程頤。所謂老成典刑者。立朝抗論。與人主爭是非。不允。不巳。而能令終完。節難矣。謝諤。顏師魯。表樞。臨民。則以治辨聞。立朝。則啓沃忠諫。各舉迺職。為世師表。李椿。劉儀鳳。言論節概。著於行事。張孝祥。蚤負才畧。莅政揚聲。迨其兩特和議。君子每歎息焉。錢大鶴曰。直敷文閣。李公椿。莊重簡淡。紫陽之所推服者也。筆力矯矯。在諸論中。尤為杰出。

李衡王自中家愿張綱張大經蔡洸莫濛周滌劉章沈作賓
李衡進退雍容。幾於聞道。王自中家愿奇邁危言。摧折弗悔。咸有
可稱。嘗考宋之立國。元氣在臺諫。崇寧大觀而後。姦佞擅權。爵賞
冒濫。馴至覆亡。高孝重繩糾封駁之司。張綱抑令。慮息太經。劾韓
侯斥董璉。人人振揚風采。正氣稍伸矣。時則有若沈濛。滌章。作賓。
班班有善。同傳亦宜。
國家元氣在臺諫。不獨有宋為然。言路通塞。天下安危。以之人
主可忽乎哉。

周必大留正胡晉以
 謀大事決大議。非疑定有立者不能也。周必大留正一時俱以相
 業稱。朕必大純篤忠厚。能以善道其君。光寧禪受之際。懼禍而去。
 其可為有立乎哉。若胡晉臣爭論朱熹。則侃侃有守者也。
 中發大議。歸朕特起有拔地干霄之勢。

趙汝愚

趙汝愚宋之宗臣也。其賢固不及周公。其位與戚。又非若周公之尊且昵也。方孝宗崩。光宗疾。大喪無主。中外洶洶。一時大臣有畏難而去者矣。汝愚獨能奮不慮身。定大計於頃刻。收召明德之士。以輔寧宗之新政。天下翕然望治。其功可謂盛矣。朕不幾時卒。為韓侂胄所構。一斥而遂不復返。天下聞而寃之。於此見天之所以眷宋者。不如周而宋之陵夷。馴至於不可為信。非人力之所能也。汝愚父以純孝聞。而子崇憲能守家法。所至有惠政。亦可謂世濟其美者已。

自侂胄用事十四年威行宮省權震寓內當時有繇竇尚書屈
膝執政南園山莊竹籬犬吠共為傳笑焉狀侂胄非有秦檜之
奸惡也不過貧富貴患得失之小人耳若皆目之為奸欲必去
之則太甚矣其釀成勢焰流毒邦家則以君子自負者激而成
之殊可怪也李生曰侂胄之得志汝愚薦之也學道之受禍晦
翁黨之也當時汝愚若以節度使授侂胄已矣而度使不與而
與太師可乎夫當朝廷賞功之時則可以賞功為重一毫已見
不可用也而曰我為宗臣爾為外戚可歟我欲博宗臣不受賞
之名矣而欲抑侂胄以同我又可歟縱曰其人不可吾姑假此

以抑之則此賞功者也非所以論人也吾又安得作好惡於其
間哉秉國之鈞不平謂何當此宰肉之際而以已見裁抑不平
陳孺子不為也況學孔氏者乎夫趙為丞相朱為講官侂胄未
得志也而朱先生侍講首以侂胄為言何哉既約彭龜年共攻
之矣他日經筵復留身論奏至於再至於三必欲決去之而後
已吾恐天下之人耳盡聾目盡瞎亦必以我為阿附丞相者矣
縱家置一喙告之曰我不為黨不立異不以道學自名不為偽
必不信也夫我以彼為小人彼亦以我為小人此定理也彼以
我為偽學我既以為不是則我以彼為小人彼又安肯是我哉

彼此不相為是則又安所定也。且夫我本欲決去小人者也。而小人又決不去。是無術也。苟無術是無學也。既無學又何以從政而安民乎。則謂我為偽學亦可矣。浙東初命先生即以唐仲友為奇貨。甫入奏事。先生又以甘昇為首禍。信如所言。則凡在君側者必如先生而後可矣。又安可得也。夫孝宗願治之主也。治貴適時。學必經世。彼其時為人臣子者。觸目激衷。哀號痛恨。不在甘昇一豎子明矣。吾意先生當必有奇謀秘策。能使宋室再造。免於屈辱。呼吸俄頃。危不安弱。而強幼學壯行。正其時矣。乃曾不聞嘉謀嘉猷。入告爾后。而直以內侍為言。是為當務之

急與。或者聖人正心誠意之學。直為內侍一身而設。顧不在乎夷狄中國之強弱也。則又何貴於正心誠意為也。上雖欲不厭聞。不可得矣。吾故謂今之學者。但能不講學。則天下太平矣。但能見已之小人。而不見人之小人。則雖曰不講學。吾必謂之學也。朕自古及今。以能去小人。謂為君子者多矣。獨先生哉。快一已之喜惡。流無窮之毒害。偽學之禁。有以也。無術是無學。此論透快痛切。亦吾道直言彊諫之士。未可斥為異端也。總論有撼斗吸江之氣。有搔首扼腕之情。故繇才識所致。亦以世美足稱。否則雖超龍門班掾。而徇之亦不能屈筆成一字也。

好文字原要遇好題目洵朕乎。

彭龜年黃裳羅點黃度林大中陳騃黃黼唐體仁

彭龜年黃裳羅點以青宮師保之舊。盡言無隱。黃度林大中亦能守正不阿。進退裕如。此數臣者皆能推明所學。務引君以當道。丁謂粹朕君子矣。陳騃論事頗切。時病。唐體仁深於理學。皆有足稱者。朕騃嘗詆譏呂祖謙。至視趙汝愚。劉光祖為仇。而體仁乃能以朱熹真德秀為師友。即其所好惡。而二人之邪正於是可知焉。前直叙後互文。局致屢變。所謂出奇無窮者矣。

胡紘何澹林栗高女虎陳自強鄭丙京鐘謝溪甫許及之梁

汝嘉

君子之論人亦先觀其大者而已矣忠孝人之大節也胡紘導其
君以短喪不得謂之忠何澹疑所生繼母之服士論紛紜而後去
不可以為孝彼於其大者且恐為之則其協比權姦誣搆善類亦
何憚而不為乎謝溪甫出處舊史泯其迹可恨若無可議為者朕慶元
之初韓侂胄設偽學之禁固羅善類而一空之溪甫秉政適與之
同時諉曰不知不可也况於一劾陳傳良再劾趙汝愚形於溪甫
之章有不可揜者乎陳自強鄭丙許及之輩狐媚苟合以竊貴寵

斯亦不足論已。若林栗之有治才，善論事，高文虎之自負該洽，京鏜之仗義秉禮，志信於敵國，抑豈無足稱者。朕栗以私忿，詆名儒，不為清議所與，而文虎草偽學之詔，以是為非，以正為邪，變亂白黑，以欺當世，其人可知也。鏜暮年得政，朋姦取容，既愧其初服矣，況偽學之目識者以為鏜實發之乎。士君子立身行事，一失其正，流而不知返，遂為千古之罪人，可不懼哉。可不懼哉。也。議論敷卷而際嚴孫人，似又出一手。史館中分類而著，故弗同也。

史浩王淮趙確權邦彥程松陳謙張巖

史浩宅心平恕而不能相其君，板復之謀。王淮為偽學之禁，毒痛善類。趙確與虞允文協謀用兵，而舊史謂二人沮抑張栻，何哉。邦彥守城力戰，惜乎助呂頤浩攻李副。君子少之。程松陳謙張巖，誣之徒，何足算哉。駁正舊史具見識斷。

徐誼吳獵項安世薛叔似劉甲楊輔劉光祖

徐誼竄逐於小人^{開○目○}之手身之否道之亨也吳獵之以學為政項安

世之通經博古皆一時之英才今更定舊史公論其少伸歎薛叔

似通儒也不幸以開邊事累之劉甲楊輔蔚乎有用之才劉光祖

盛名與涪州學記^{開○目○}竝傳穹壤世之人何憚而不為君子也

束語婆心甚切君子小人首尾相應何等精密

二十一史論贊 卷三十二 徐誼 五十九 大來堂

余端禮李歸丘密倪思宇文紹節李繁

余端禮平時論議剴正。及為相，受制於韓侂胄。雖有志扶掖善類，而不得以直遂，頗不免君子之論。若李歸丘、密、皆諫侂胄以輕兵召釁之失，及其決意用師，命葉適草詔不從，而歸獨當筆，烏何其所見後先，特迂哉。附會之罪，歸固無以逭於公論矣。倪思直辭劇主，又屢解權臣三黜，不變其風，槩有可尚焉。李繁所至，能舉荒政，蠲苛賦，亦庶幾古所謂惠人也。行議搢縱自如，天生快筆。

鄭毅仇愈高登婁寅

亮宋汝為

高宗播遷復有苗劉之變

此何時也鄭毅王庭秀正色立朝以爭

君臣之義顧不豎哉仇愈

愷悌君子遺澤在民易曰王臣蹇蹇高

登有為婁寅亮請立太祖

後為太子能言人臣之所難言而高宗

亦既狀從之君仁而臣直

乎宋汝為歸自金國論事切直與寅亮

俱迂秦檜一則誣以罪譴

一則逃遁以死於乎悌矣

立太祖後此一事復冠千古寧第為宋史之榮乎論極卓卓

卷之二十一

鄭毅

十一

王信汪大猷表熒吳柔勝游仲鴻李祥王介宋德之楊大全
 王信有文學通政事汪大猷敦厚老成表熒學有所本吳柔勝游
 仲鴻名在偽學觀李祥訟趙汝愚公論藉是以立王介楊大全直
 道而行宋德之其知兵者歟
 純氣質辭歸於玄澹

辛棄疾何異劉宰劉煥柴中行李孟

古○之○君○子○出○處○不○齊○同○歸○於○是○而○已○
辛○棄○疾○知○大○義○而○歸○宋○何○異○
篤○實○君○子○而○切○諫○光○宗○朝○聖○華○宮○柴○中○行○寧○不○校○臨○川○之○試○終○不○
肯○自○言○非○程○頤○偽○學○劉○煥○表○章○朱○熹○四○書○以○備○勸○講○衛○道○之○功○莫○
大○焉○李○孟○傳○所○立○不○愧○其○父○至○於○劉○宰○飄○然○遠○引○屢○徵○不○起○所○謂○
鴻○飛○冥○冥○者○耶○
行○誼○均○堪○不○朽○而○柴○劉○二○事○尤○偉○古○杰○之○氣○湛○為○精○英○論○中○之○
表○表○者○

陳敏張詔畢再遇安丙楊巨源李好義
陳敏善守畢再遇善戰張詔出使不辱國為將得士心趙汝愚薦
為武興帥以其才足以制曦也曦之畔向非安丙楊巨源李好義
之謀西方之憂莫大焉朕丙卒以是殺巨源何其媚疾而殘賊也
李好義失於周防竟為王喜所圖宋知喜為曦黨既不能罪又以
節鎮賞之幾何而不為唐末之姑息以成藩鎮之既乎
論人論事裁決如流行文錯綜經緯巧力俱至

陳敏張詔畢再遇安丙楊巨源李好義

以下又情又勢又交又貫串可誦可味

好接

妙

又接

趙方賈涉危再興孟宗政張威

宋之南渡邊將之才何其鮮哉。或曰：江南非用武之地，狀古之善兵者若孫武子亦吳人也，柳先王之世，文武無二道，文武既分，宜其才之各有偏勝也。趙方少從張栻學，許國之忠，應變之畧，隱狀有尊俎折衝之風，其部曲如扈再興、孟宗政，後皆為名將，亦方之能獎率也。方生子范、蔡宗政、子珙，後皆以功名自見，不愧其父有足稱者。賈涉居方面，亦號有才，及其庶孽竟至亡國，為可歎也。張威者，善御衆，故所至立功云。風清澤美，知為雋人之珠玉。

二十一 史論

卷三十二 趙方

六十五

人來

二十一 史論

卷三十二

人來

一 實言類 卷二十一 六十六 大來堂

汪若海張運柳約李舜臣孫逢吉章穎商飛卿劉穎徐邦憲
汪若海柳約仕於南渡播遷之時其志將以尊君父故讀其磨書
而悲之張運李舜臣職舉事修遺愛在民孫逢吉章穎辨正人之
非邪正學之非偽君子哉商飛卿劉穎徐邦憲皆有立於權臣柄
國之日卓乎不為勢利所移故能爾耶
翺翔容與俯視一世氣概之卓絕者

汪若海 六十六 大來堂

李宗勉表甫劉黻王居安

李○宗○勉○在○庶○僚○論○事○平○直○及○入○相○負○公○清○之○稱○表○甫○學○有○本○原○善○
達○其○用○持○節○所○過○其○民○至○今○思○之○劉○黻○分○別○邪○正○侃○侃○敢○言○亦○難○
能○者○王○居○安○掃○除○羣○邪○以○匡○王○國○其○志○壯○哉○
直○入○徑○叙○文○勢○似○緊○急○不○知○其○中○寂○閒○暇○有○餘○地○

李宗勉

六十五

崔與之洪咨夔許奕陳居仁劉漢弼

唐張九齡姜公輔宋余靖皆出於嶺嶠之南而為名世公卿造物者曷嘗擇地而生賢哉先王立賢無方蓋為是也番禺崔與之晚出屹然大臣之風卒與三子者方駕齊驅洪咨夔許奕直道正言於理宗在位之日陳居仁見稱循吏親結主知劉漢弼抱忠以死哀哉

沈伯緝曰有感而言大破方俗之見快絕快絕

[Faint bleed-through text from the reverse side of the page]

杜範楊簡張處呂午

杜範在下僚。已有公輔之望。及入相。未久而沒。楊簡之學。非世儒所能及。施諸有政。使人百世而不能忘。朕雖享高年。不究於用。豈不重可惜也哉。張處子諒易直。呂午風采凜然。皆有裨於世道者矣。

安雅之奏。喜無繁嚴凌節。

吳昌裔汪綱陳宓王震

吳昌裔訪道東南一何勤哉故其造深醇見諸事功者足以知其
 學無雜也汪綱之遺愛在越先民所謂擇賢久任者固不我欺矣
 陳宓以宰相子論諫之直於今有光王震通兵家言而謂不可以
 道從世此古人謀帥貴乎說禮樂而敦詩書也
 溪厚古茂有渾灝之遺

高定子高斯得張忠恕唐麟

觀高定子在西陲政業著聞矣斯得屢起而屢仆於權臣之手及其再起宋事已非張忠恕論濟邸事有父祖風焉唐麟者亦可謂古之遺直

讀陸沉板蕩之什。淒狀下淚。玩及其二語。令人投卷而起。國事何事。而以供權臣之墮壞乎。有宋之季。何不競也。歷落數語。極其蒼老。

婁機沈煥曹彥約范應鈗徐經孫
 嗚呼寧宗之為君韓侂胄之為相豈用兵之時乎故婁機力止之
 小學之廢久矣而機獨知致力於此沈煥舒璘學遠識明曹彥約
 可與建立事功范應鈗赫肱政事如神明徐經孫清慎有守卒以
 事公田迂賈似道去國君子稱之
 倘徉跌宕有神行乎其間非與古處者未能及此
 首尾俱歸結到君相身上照應嚴密緩兵急學非失時宜蓋度
 其力之可及者而為言耳布局輕重有條論中之完璧也

其不與宋事也... 我... 沈煥舒璘... 婁機... 徐經孫... 清慎有守... 卒以...

湯壽將重珍。年子才朱貌。孫歐陽守道。
湯壽立朝。謬。蔣重珍自擢。巍科。既居盛名之下。而能樹立於當
世。可為難矣。年子才朱貌。孫直。敵著於中外。歐陽守道。廬陵之醇
儒也。
盛名難副。風勵之意甚遠。

孟珙林果王登楊揆張惟孝陳咸
宋之辱於金久矣。值我國家興師討罪。殺震河朔。乃遣孟珙帥師
夾攻。遂滅其國。以雪百年之耻。而珙說禮樂。敦詩書。誠寡與二林
果王登楊揆張惟孝。思以功名自見。雖所立有大小。皆奇才也。陳
咸不從逆曦。雖不能死。朕理財於喪亂之餘。蜀賴以固守。豈不賢
於匹夫之自經溝瀆者哉。
姚長源曰：洋洋灑灑，豪邁不羈。

樓鑰李大性任希夷徐應龍莊夏王阮王質陸游方信孺王

柵

樓鑰渾厚正大李大性直言不愧其先任希夷請謚先儒徐應龍
在經筵多所裨益莊夏王阮王質皆負其有為之才卒奉祠去國
陸游學廣而望隆晚為韓侂胄著堂記君子惜之抑春秋責賢者
備也方信孺年少奉使而以意氣折金人開紐妙王柵北歸請錄信孺之
功長者哉
清曠簡遠望之皎然如雪山倚空落月滿屋

樓鑰

樓鑰

七十五

樓鑰

[Faint bleed-through text from the reverse side of the page]

[Faint bleed-through text from the reverse side of the page]

趙汝談趙汝讜趙希館趙彥叟趙善湘趙與惟趙必愿
宋之公族。往往亦由科第顯用。各能以術業自見。汝談汝讜希館
是已。彥叟帥邊而墮功。亦由廟算之短。善湘父子克平大盜。與惟
以長者稱。必愿世濟其美。可謂信厚之公子矣。

楊誠齋嘗云。國朝皇族之英。自拔於綺襦金貂之林。而爭衡於
秀孝文儒之圃者。豈少也。而六世葉儒。三世中文科者。亦往往
如麟之角。兼此而趾美者。其惟少師惠國良公之一門。繇是推
之。斯論蓋有所本。

史彌遠鄭清之史嵩之董槐葉夢鼎馬廷鸞
既著故當時不樂嵩之繼也。因喪起復羣起攻之。朕固將可也。
董槐母得而議之矣。葉夢鼎馬廷鸞之所遭逢其不幸也夫。
清漏哀角。有此蕭蕭。

史彌遠鄭清之史嵩之董槐葉夢鼎馬廷鸞

史彌遠。廢親立疏。諱聞直言。鄭清之墮名於再相之日。彌遠之罪

既著。故當時不樂嵩之繼也。因喪起復。羣起攻之。朕固將可也。

董槐母得而議之矣。葉夢鼎馬廷鸞之所遭逢其不幸也夫。

清漏哀角。有此蕭蕭。

傅伯成葛洪曾三復黃疇若表韶危稹程公許羅必元王遂
之心黃疇若優於政治表韶力請討李全蓋丞相史彌遠心腹也
危稹以通問徐僑獲罪其人可知矧治州之政有循吏之風烏羅
必元受學於稹者也程公許王遂謹論疊見豈不偉哉
清於氣而味永

吳淵余玠汪立信向士璧胡穎冷應徵古曰叔遠王萬馬光祖

吳淵才具優長而嚴酷累之余玠意氣豪雄志不克信賈似道

不用汪立信之策殆天奪其魄矣向士璧卒阨於似道宋之不足

圖存蓋可知也胡穎好毀淫祀非其中之無憚不能爾也冷應徵

安邊之才曹叔遠王萬皆正人端士馬光祖治建康逮今遺愛猶

在民心可謂能臣已

聽言任人有國之大經也順之者昌逆之者亡宋病若此雖虛

福不能救也況甚之以鳩毒乎傷哉

喬行簡范鍾游似趙葵謝方叔

喬行簡弘深好賢論事通練范鍾游似同在相位皆謹飭自將而
意見不伴趙方豫計二子後當若何而葵范所立皆如所謂
知子莫若父也狀宋自端平以來捍禦淮蜀兩邊者非發材館之
士即其偏裨之將朝廷倚之如長城之勢及其筋力既老而衛國
之志不衰亦曰壯哉謝方叔相業無過人者晚因於權臣至以玩
好丹劑為人元壽坐是貶削有愧金鏡多矣
得意處在趙方一設即兵家出奇制勝之法非宿將不能

吳潛程元鳳江萬里王燭章鑑陳空中

孔子曰才難不其狀乎理宗在位長久命相實多其人若吳潛之

忠亮剛直財數人焉肝胆披露潛論事雖近於訐度宗之立謀議及之潛以

正對人臣懷顧望為子孫地者能為斯言哉程元鳳謹飭有餘而

乏風節尚為賈似道所甚江萬里問學德望優於諸臣不克為似

道籠絡晚年微露鋒穎輒見擯斥士大夫不幸與權姦同朝名自處

難矣似道督視江上之師以國事付王燭章鑑陳空中蓋取其平

時素與已者燭章中於其既出稍欲自異及聞其敗碩論乘勢感之既

而二人自為矛盾宋事至此危急存亡之秋也當國者交驩戮力

猶懼不逮。所為若是。何望其能匡濟乎。書法誅燼死鑑。遯室中走海島。宋亡。

議論慨直。可以風世。至結果數語。令人多少感動。字敵千軍。筆力鮮儼。

文天祥

自古志士欲信大義於天下者。不以成敗利鈍動其心。君子命之曰仁。以其合天理之正。即人心之安爾。商之衰。周有代德。盟津之師。不期而會者八百國。伯夷叔齊以兩男子欲扣馬而止之。三尺童子知其不可。他日孔子賢之。則曰求仁而得仁。宋至德祐亡矣。文天祥往來兵間。初欲以口舌存之。事既無成。奉兩孱王崎嶇嶺海。以圖興復。兵敗身執。我世祖皇帝以天地有容之量。既壯其節。又惜其才。留之數年。如虎兕在押。百計馴之。終不可得。觀其從容伏質。就死如歸。是其所欲有甚於生者。可不謂之仁哉。宋三百餘

年取士之科莫盛於進士進士莫盛於掄魁自天祥死世之好為高論者謂科目不足以得偉人豈其狀乎

等死耳有重於太山有輕於鴻毛貴得其所也文信公為宋之心盡矣其亦可以死矣王元美謂閩僧之告星變中山狂人之欲起兵與詔使之不及止皆所以成信公也固也亦知有廬陵王先生成信公者更大乎先生名炎午以信國再執未聞慷慨赴義初作文生祭之以速其死因謄錄數十本自贛至洪於驛途水次山墻店壁貼之冀丞相經從一見其詞曰大學觀化齋生王炎午謹採西山之薇酌汨羅之水哭祭於文山先生未死

之靈嗚呼大丞相可死矣文章周魯科第郊祈斯文不朽可死喪父受公卿祖真之榮奉毋極東西迎養之樂為子孝可死二十而魏科四十而將相功名事業可死仗義勤王使命不辱不負所學可死華元張翥子胥脫走丞相自叙死者數矣誠有不幸則國事未定臣節未明今鞠躬盡瘁則諸葛矣保捍閩廣則田單即墨矣倡義勇出則顏平原申包胥矣雖舉事率無所成而大節亦無媿所欠一死耳奈何再執涉月踰時就義寂寥聞者驚惜豈丞相尚欲脫去耶尚欲有所為耶或以不屈為心而以不死為事耶抑舊主尚在不忍棄捐耶伏橋於厠舍之後投

二十一 史記 卷之三十一 文天祥 八十三

筑於目矐之餘於以希再縱求再生則二子為不知矣尚欲有
 所為耶識時務者在俊傑昔東南全勢不能解襄圍今以亡國
 一夫而欲抗天下況趙孤縮海楚懷入關商非前日之頑周無
 未獻之地南北之勢既合天人之際可知彼齊廢齊興楚亡楚
 復皆兩國相當之勢而國君大臣固無恙耳今事勢無可為而
 臣皆為執矣臣子之於君父臨大節決大難事可為則屈意忽
 死以就義必不幸則伏大節以明分故身執而勇於就義當於
 杲卿張巡諸子為伍李陵降矣而曰欲有為且思刎頸以見志
 其言誠偽既不可知况刑拘勢禁不及為者十八九惟不刎刎

豈足以見志况使陵降後死他故則頸且不復刎志何自而明
 哉丞相之不為陵不待知者而信奈何慷慨遲回日久月積志
 消氣餒不陵亦陵豈不惜哉欲不屈而死耶惟蘇子卿可漢室
 方隆子卿使耳非有興復事也非有抗誓師讎也丞相事何事
 降與死當有分矣李光弼討史思明方戰納劍於鞘曰夫戰危
 事也吾位三公不可辱於賊萬一不利自當刎李存勗伐梁梁
 帝朱友貞謂近臣皇甫麟曰晉吾世讎也不可俟彼刀鋸卿可
 盡我命麟於是哀泣進刃於帝而亦自刎今丞相以三公之位
 魚睚眦之讎決機明辨豈堪在李光弼朱友貞下乎屈且不保

十一史論卷三十一
況○不○屈○乎○丞○相○不○死○當○有○死○丞○相○者○矣○自○死○於○義○死○於○勢○死○於○人○以○怒○罵○為○烈○死○於○怒○罵○則○肝○腦○腸○腎○有○不○忍○言○者○矣○雖○鑊○湯○刀○鋸○烈○士○不○辭○苟○可○就○義○以○歸○全○豈○不○因○忠○而○成○孝○事○在○目○睫○丞○相○何○所○俟○乎○以○舊○主○尚○在○未○忍○棄○捐○也○李○昇○篡○楊○行○密○之○業○遷○其○子○孫○於○廣○陵○嚴○兵○守○之○至○子○孫○自○為○匹○耦○朕○猶○得○不○死○周○世○宗○征○淮○南○下○詔○撫○安○楊○氏○子○孫○景○升○驚○疑○盡○殺○其○族○夫○撫○安○本○以○為○德○又○反○為○禍○幾○微○一○失○可○不○懼○哉○蜀○王○衍○既○歸○唐○莊○宗○發○三○辰○之○誓○全○其○宗○族○未○幾○信○伶○人○景○進○之○計○衍○族○盡○誅○幾○微○之○倚○伏○可○不○畏○哉○人○以○趙○祖○之○遇○降○主○天○固○巧○於○報○施○朕○建○共

暫○處○倨○坐○苟○安○舊○主○正○坐○於○危○疑○竊○臣○尤○事○於○龍○麟○而○散○氣○所○逼○猜○嫌○必○生○豈○無○李○昇○之○疑○或○景○進○之○計○則○丞○相○於○舊○主○不○足○為○情○而○反○為○害○矣○炎○午○丞○相○鄉○之○晚○進○士○也○前○成○均○之○弟○子○員○進○而○父○沒○退○而○國○亡○生○雖○媿○陳○東○報○汴○之○忠○死○不○效○陸○機○入○洛○之○耻○丞○相○起○兵○次○鄉○國○時○有○少○年○狂○子○持○斐○牘○叫○軍○門○丞○相○察○其○憂○憤○而○進○之○憐○其○親○老○而○退○之○非○僕○也○耶○痛○惟○千○載○之○事○既○負○於○前○一○得○之○愚○敢○默○於○後○進○薄○昭○之○素○服○先○元○亮○之○挽○歌○願○與○丞○相○商○之○廬○陵○非○丞○相○父○母○邦○乎○趙○太○祖○語○孟○昶○母○曰○勿○戚○戚○行○遣○女○歸○蜀○昶○母○曰○妾○太○原○人○願○歸○太○原○不○願○歸○蜀○契○丹○遷

晉出帝及呂太后安大妃於建州太后疾死謂帝曰我死焚其
骨送范陽僧寺無使我為虜地鬼也安太妃臨卒亦謂帝曰當
焚我為灰向南颺之庶遺魄得返中國也彼婦人彼國后一死
一生尚眷眷故鄉不忍飄棄仇讎外國況忠臣義士乎人不七
日穀則斃自梅嶺以出繼不得留漢旃而從田橫亦當吐周粟
而友孤竹至父母邦而首丘焉廬陵盛矣科目尊矣宰相忠烈
合為一傳矣舊主為老死於降邱宋亡而趙不絕矣不然或拘
囚而不死或秋暑冬寒五日不汗衣蒂噴鼻而死溺死畏死排
墻死盜賊毒蛇猛虎死輕一死於鴻毛虧一簣於泰山而成遺

舊主憂縱不得稍盾之殺君亦將悔伯仁之由我則鑄錯已無
鐵噬臍寧有口乎嗚呼四忠一節待公而六為位其間聞訃則
哭及丞相既死炎午再為文望祭之曰嗚呼扶顛持危文山諸
葛相國雖同而公死節倡義舉勇文山張巡殺身不異而公秉
釣名相烈士合為一傳三千年間人不兩見事繆身執義當勇
決祭公速公童子易簣何如天意祐忠憐才留公一死易水金
臺乘氣捐軀壯士其或久而不易雪霜松柏唯哉文山高山
溪難回者天不負者心常山之髮侍中之血日月韜光山河改
色生為名臣死為列星不朕勁氣為風為霆干將莫邪或寄良

冷○出○世○則○神○入○土○不○化○今○夕○何○夕○斗○轉○河○斜○中○有○光○芒○非○公○也○
耶○議○論○奇○氣○魄○奇○天○地○間○既○有○文○相○國○節○義○便○不○可○無○王○先○生○
文○章○二○絕○

宣○繒○薛○極○陳○貴○諡○曾○從○龍○鄭○性○之○李○鳴○復○鄒○應○龍○余○天○錫○許

應○龍○林○畧○徐○榮○叟○別○之○傑○劉○伯○正○金○淵○李○性○傳○陳○韡

宋○自○嘉○定○以○來○居○相○位○者○賢○否○不○同○故○執○政○者○各○以○其○氣○類○而○用○
之○因○其○所○就○而○後○世○得○以○考○其○人○焉○宣○繒○薛○極○者○史○彌○遠○之○腹○心○
也○陳○貴○諡○曾○從○龍○鄭○性○之○李○性○傳○劉○伯○正○皆○無○所○附○麗○李○鳴○復○金○
淵○者○史○蒿○之○之○羽○翼○也○鄒○應○龍○無○所○考○見○許○應○龍○治○郡○見○稱○循○良○
林○畧○所○謂○虛○心○從○諫○者○有○益○於○人○主○矣○徐○榮○叟○父○子○兄○弟○皆○為○名○
臣○陳○韡○將○帥○才○也○優○於○別○之○傑○多○矣○

曹○荆○岫○曰○氣○類○兩○字○其○辨○甚○微○總○之○隨○執○政○為○感○召○國○家○安○注

意相斯言良可繹也。

王伯大鄭案應傑徐清叟李曾伯王埜蔡抗張礪馬天驥朱

熠饒虎臣戴慶炯皮龍榮沈炎

王伯大立朝直諫鄭案沈炎居言路不辨君子小人皆彈挂之吾
不知其所說也應傑清慎沒世徐清叟風采凜乎班行之間李曾
伯之治邊短於才者也王埜得一幸名父師而其學問益光蔡抗犄為
君子史闕其事若張礪馬天驥饒虎臣未見卓朕有可稱道者戴
慶炯皮龍榮登第皆未久而位至執政龍榮不附權臣為所擯斥
而死猶為可取慶炯無所稱述焉朱熠在臺察如狂獬遇人輒噬
之云

名父師。寂難兼。得王公何所際之隆也。此實天幸。非可強致。令人健羨不已。

楊棟姚希得包恢常挺陳宗禮常林家鉉翁李庭芝

楊棟學本伊洛。而尼於權臣。速謗召尤。誰之過歟。姚希得藹朕君。子包恢以嚴為治。抑以哀世之民。非可以縱弛待之耶。常挺陳宗禮咸通濟。著聲望。常林晚訟皇子。竑事光明。正大公義。炳朕家鉉翁義不二君。足為臣軌。李庭芝死於國難。其可憫哉。有學無術。所遭多困。聖賢所以視憲。過為大也。棟轍殊為可鑒。

林勳劉才印許忻應孟明曾三聘徐僑度正程秘牛大年陳仲微梁成大李知孝

讀本政書狀後知林勳之井地。可謂密矣。劉才印能全名節於權姦之時。許忻之論和議。最為忠懇。卒以是去國。尤足悲夫。應孟明曾三聘之不污韓侂胄。孔子所謂歲寒。狀後知松栢之後凋也。徐僑之清節。度正之淳敏。牛大年之廉正。陳仲微之忠實。狀皆不至於大用。非可惜哉。若乃程秘之竊取富貴。梁成大李知孝甘為史彌遠鷹犬。遺臭萬年者也。

高朗狀多率意之句。未能修琢。

吳泳徐範李韶王邁史彌鞏陳垣趙與篋李大同黃潛楊大

異

正論之在天下未嘗止也徐範之於韓侂胄吳泳李韶王邁之於
史氏皆能無所回撓正色直言至於史彌鞏則彌遠之弟陳垣其
甥也不以私親而廢天下之公論抑孟子所謂寡助之至者歟趙
與篋楊歷最久甘為聚斂之臣李大同以鄉人喬行簡為相薦起
之黃潛出任以恤民尊賢為急可謂知本大異節義如此宜其善
政之著稱於世也

滿瀝零慙有落英繽紛苻藻支橫之趣

陸持之徐庶卿趙逢龍趙汝騰孫夢觀洪天錫黃師雍徐元

志孫子秀李伯玉

陸持之學足以承其家而不幸蚤喪徐庶卿論議明達克施有政
趙逢龍之清操汝騰之不抗孫夢觀之平直洪天錫黃師雍徐元
志李伯玉皆悉心直言不避權勢孫子秀政績著見皆當時之傑
出云

高韵清鏗笙簧以間

劉應龍潘物洪芹趙景緯馮去非徐霖徐宗仁危昭德陳垣

楊文仲謝枋得

劉應龍不附賈似道馮去非不附丁大全潘物論皇子竑事坎壞
以終洪芹訟吳潛偉哉趙景緯醇儒也而無躁競之心徐霖進則
直言於朝退則講道於里徐宗仁國亡與亡異乎懷二心以事其
君者也危昭德經筵進對之言悉載諸故史陳垣能以意氣感人
楊文仲當捨攘之時猶能薦士謝枋得歎崎以全臣節皆宋末之
卓狀者也

有賢而不知知之而不薦暗妬之恒態也清燕且狀况多事之

日○朕○不○知○其○多○事○之○日○其○需○士○也○急○故○其○言○易○信○不○朕○安○所○見○其○能○哉○讀○此○語○悲○喜○交○集

循吏

宋○法○有○可○以○得○循○吏○者○三○太○祖○之○世○牧○守○令○錄○躬○自○召○見○問○以○政○事○朕○後○遣○行○簡○擇○之○道○精○矣○監○司○察○郡○守○郡○守○察○縣○令○各○以○時○上○其○殿○最○又○命○朝○臣○專○督○治○之○考○課○之○方○密○矣○吏○犯○賊○遇○赦○不○原○防○閑○之○令○嚴○矣○承○平○之○世○州○縣○吏○謹○守○法○度○以○修○其○職○業○者○實○多○其○人○其○間○必○有○絕○異○之○績○朕○後○別○於○賞○令○或○自○州○縣○善○最○它○日○遂○為○名○臣○則○撫○字○之○長○又○不○足○以○盡○其○平○生○故○始○終○三○百○餘○年○循○吏○載○諸○簡○策○者○十○二○人○作○循○吏○傳○歸○其○本○於○上○有○體○有○識

道學

道學之名古無是也。三代盛時。天子以是道為政教。大臣百官有司。以是道為職業。黨庠術序。弟子以是道為講習。四方百姓日用是道而不知是。故盈覆載之間。無一民一物不被是道之澤。以遂其性於斯時也。道學之名何自而立哉。文王周公既沒。孔子有德無位。既不能使是道之用。漸被斯世。退而與其徒定禮樂。明憲章。刪詩修春秋。讚易象。討論墳典。期使五三聖人之道。昭明於無窮。故曰。夫子賢於堯舜遠矣。孔子沒。曾子獨得其傳。傳之子思。以及孟子。孟子沒。而無傳。兩漢而下。儒者之論大道。察焉而弗精。語

二十一史論考

卷三十一 道學

九十五

大東堂

烏而弗詳異端邪說起而乘之幾至大壞千有餘載至宋中葉周敦頤出於春陵乃得聖賢不傳之學作太極圖說通書推明陰陽五行之理命於天而性於人者瞭若指掌張載作西銘又極言理一分殊之旨狀後道之太原出於天者灼狀而無疑焉仁宗明道初年程顥及弟頤寔生及長受業周氏已乃擴大其所聞表章大學中庸二篇與語孟竝行於是上自帝王傳心之奧下至初學入德之門融會貫通無復餘蘊迄宋南渡新安朱熹得程氏正傳其學加親切焉大抵以格物致知為先明善誠身為要凡詩書六藝之文與夫孔孟之遺言顥錯於秦火支離於漢儒幽沉於魏晉六

朝者至是皆煥狀而大明秩狀而各得其所以此宋儒之學所以度越諸子而上接孟氏者歟其於世代之汚隆氣化之榮悴有所關係也甚大道學盛於宋宋弗究於用甚至有厲禁焉後之時君世主欲復天德王道之治必來此取法矣即雍高明英悟程氏實推重之舊史列之隱逸未當今置張載後張拭之學亦出程氏既見朱熹相與博約又大進焉其它程朱明人考其原委各以顥從作道學傳

王順渠曰自南宋崇道學之後其學未嘗不行於上也而卒不能收善治之效未嘗不傳於下也而卒不見成命世之才由今

觀之。想望慶曆嘉祐之盛。韓范富歐之風。邈乎不可覩矣。而況等而上之乎。吁。道學之明。効大驗如此。大道無名。起手便說透。李卓吾流水得泉之喻。與此吻合。

文苑

自古創業垂統之君。即其一時之好尚。而一代之規撫。可以豫知矣。藝祖革命。首用文吏。而奪武臣之權。宋之尚文。端本乎此。太宗真宗。其在藩邸。已有好學之名。及其即位。彌文日增。自時厥後。子孫相承。上之為人君者。無不典學。下之為人臣者。自宰相以至令錄。無不擢科。海內文士。彬彬輩出。烏國初。楊億。劉筠。猶襲唐人散律之體。柳開。穆脩。志欲變古。而力弗逮。廬陵歐陽修。出以古文。倡臨川王安石。眉山蘇軾。南豐曾鞏。起而和之。宋文日趨於古矣。南渡文氣。不及東都。豈不足以觀世變歟。作文苑傳。

易曰白賁無咎。又云致飾亨則盡矣。通乎此者可與上下千古。

忠義

士大夫忠義之氣。至於五季。變化殆盡。宋之初興。范質王溥。猶有餘憾。况其它哉。藝祖首褒韓通。次表衛融。足示意嚮。厥後西北疆場之臣。勇於死敵。徃徃無懼。真仁之世。田錫王禹偁。范仲淹。歐陽修。唐介。諸賢。以直言讜論。倡於朝。於是中外搢紳。知以名節相高。廉耻相尚。盡去五季之陋矣。故靖康之變。志士投袂起而勤王。臨難不屈。所在有之。及宋之亡。忠節相望。班班可書。匡直輔翼之功。蓋非一日之積也。奉詔修三史。集儒臣議凡例。前代忠義之士。咸得直書。而無諱焉。狀死節死事。宜有別矣。若敵王所愾。勇往無前。

或街命出疆或授職守土或寓官閑居感激赴義雖所處不同論其捐軀殉節之死靡二則皆為忠義之上者也若勝負不常陷身俘獲或慷慨就死或審義自裁斯為次矣若倉皇遇難實命亂兵雖疑傷勇終異苟免況於國破家亡主辱臣死功雖無成志有足尚者乎若夫世變淪胥毀跡冥邈能以貞厲保厥初心抑又其次歟至於布衣危言嬰鱗觸譴志在衛國違恤厥躬及夫御曲之英方外之傑賈勇蹈義歿死惟鈞以顛附從定為等差作忠義傳差等處具見鑒裁文極雋朗可誦激昂胸懷

孝義

冠冕百行莫大於孝莊雅範防百為莫大於義先王興孝以教民厚民用不薄興義以教民睦民用不爭率天下而由孝義非履信思順之世乎太祖太宗以來子有復父仇而殺人者壯而釋之割股割膽咸見褒賞至於數世同居輒復其家一百餘年孝義所感醴泉甘露芝草異木之瑞史不絕書宋之教化有足觀者矣作孝義傳教化之原在上不在下此為端本之論

隱逸

中古聖人之作易也。於遯之上九曰：肥遯無不利。蠱之上九曰：不事王侯，高尚其事。二爻以陽德處高地，而皆以隱逸當之。狀則隱德之高於當世，其來也遠矣。巢由雖不見於經，其可誣哉。五季之亂，避世室多。宋興，嚴允弓旌之招，壘見於史，狀而高蹈遠引。若陳搏者，終莫得而致之。豈非二卦之上九者乎？種放之徒，召對大廷，亶亶獻替，使其人出處，果有合於艮之君子。時止時行，人何譏哉。作隱逸傳。

引卦理以斷之。名實中倫。超超玄著。

烈女

古者天子親畊教男子力作。皇后親蠶教女子治生。王道之本風俗之原。固有在矣。男有塾師。女有師氏。國有其官。家有其訓。朕而詩書所稱男女之賢。尚可數也。世道既降。教典非古。男子之志四方。猶可隆師親友。以為善。女子生長環堵之中。能著美行。垂於汗青。豈易得哉。故歷代所傳列女。何可棄也。考宋舊史。得烈女若干人。作烈女傳。端懿之言。使人歛襟而拜。



方技

昔者少皞氏之衰九黎亂德家為巫史神人滄焉顓頊氏命南正
 重司天以屬神北正黎司地以屬民其患遂息厥後三苗復棄典
 常帝堯命羲和修重黎之職絕地奇句天通其患又息朕而天有王相
 孤虛地有燥濕高下人事有吉凶悔吝疾病札瘥聖人欲斯民趨
 安而避危則巫醫不可廢也後世占候測驗厭禳崇禱至於兵家
 遁甲風角鳥占與夫方士修煉吐納導引黃白房中一切蒸蒿妖
 誕之說皆以巫醫為宗漢以來司馬遷劉歆又亟稱焉朕而歷代
 之君臣一惑於其言害於而國凶於而家靡不有之宋景德宣和

之世可鑒乎哉。朕則歷代方技何修而可以善其事乎。曰人而無恒不可以作巫醫。漢嚴君平唐孫思邈呂才言皆近道孰得而少之哉。宋舊史有老釋符瑞二志又有方技傳多言機祥今省二志存方技傳云。方孩未曰勉之以恒風之以道可為方士暝眩之劑。若可信若不可信文情變幻使人深思而自得之。

外戚

自西漢有外戚之禍歷代鑒之崇爵厚祿不界事權朕而一失其馭猶有肺腑之變焉。宋法待外戚厚其間有文武才諳皆擢而用之。怙勢犯法繩以重刑亦不少貸。仁英哲三朝母后臨朝聽政而終無外家干政之患。將法度之嚴體統之正有以防閑其過歟。抑母后之賢自有制其戚里歟。作外戚傳。國家全戚里之法昭朕言下戚里所以自全之法隱朕言外寒鐵嚴霜柱下威於駢馬。

宦者

○高○出○于○古○
 宋○世○待○宦○者○甚○嚴○太○祖○初○定○天○下○掖○庭○給○事○不○過○五○十○人○官○寺○中
 年○方○許○養○子○為○後○又○詔○臣○僚○家○毋○私○蓄○閹○人○民○間○有○閹○童○孺○為○貨
 鬻○者○論○死○去○唐○未○遠○有○所○懲○也○厥○後○太○宗○却○宰○相○之○請○不○授○王○繼
 忠○宣○徽○真○宗○欲○以○劉○承○規○為○節○度○使○宰○相○持○不○可○而○止○中○更○主○幼
 母○后○聽○政○者○凡○三○朝○在○於○前○代○豈○非○宦○者○用○事○之○秋○乎○祖○宗○之○法
 嚴○宰○相○之○權○重○紹○熲○有○懷○姦○慝○旋○踵○屏○除○君○臣○相○與○防○微○杜○漸○之
 慮○深○矣○而○宣○政○間○童○貫○梁○師○成○之○禍○亦○豈○細○哉○南○渡○苗○劉○之○逆
 亦○宦○者○所○激○也○坊○記○曰○君○子○之○道○辟○則○坊○與○大○為○之○坊○民○猶○喻○之

可不戒哉。作官者傳。嚴字妙絕。舍是更無良策。

倭幸

人君生長深宮之中。法家拂士。接耳目之時。少宦官女子。共啓處。之日多。二者倭幸之梯媒也。劉明之主。亦有倭幸焉。劉好專任。明。好偏察。彼倭幸者。一投其機。為患深矣。它日敗闕。雖能殄除。隳城。以求。狐灌社。以索鼠。亦曰。殆哉。宋世中材之君。朝有倭幸。所不免也。太宗有弭德超。趙贊。孝宗有曾覿。龍大淵。二君固不可謂非劉明之主也。作倭幸傳。

倭幸之禍。中於中材者。淺中於劉明者。深。此此而朕。機有不同。故也。聚精會神。千方百計。在一投字。寫得凜凜。可畏。

倭幸

[Faint bleed-through text from the reverse side of the page]

姦臣

易曰陽卦多陰陰卦多陽君子雖多小人用事其象為陰小人雖多君子用事其象為陽宋初五星聚奎占者以為人才衆多之兆朕終宋之世賢哲不乏姦邪亦多方其盛時君子秉政小人聽命為患亦鮮及其衰也小人得志逞其狡謀壅閉上聽變易國是賊虐忠直屏棄善良君子在野無棟禍亂有國家者正邪之辨可不慎乎作姦臣傳

小人亦有才可用只是不宜授之以權耳辨之於初慎之於終何至有噬臍之悔

[Faint bleed-through text from the reverse side of the page]

叛臣

宋失其政，金人乘之，俘其人民，遷其寶器，效遼故智，冊其臣為君，
 冠履易位，莫甚斯時。高宗南渡，國勢凌夷，悍僕狂奴，欺主哀敗，易
 動於惡兵，雖凶器尤忌殘忍，將用忍人，先無仁心，視背君親，猶反
 掌耳。世將之子，使握重兵，居之阨塞之地，豈非召亂之道乎？大義
 昭明，旋踵殄滅，蓋天道也。扶綱常，遏亂畧，作叛臣傳。
 此春秋之遺意，有禪人道。

世家

唐自安史之亂。藩鎮專制。百有餘年。浸成割據。及巢賊孫贛。郾邑
 丘墟。降臻五季。豪傑蠶午。各挾智力。擅為封疆。自制位號。以爭長。
 雄天。猷禍亂授宋大柄。太祖命將出師。十餘年間。南平荆楚。西取
 巴蜀。劉鋹既俘。李氏納款。至於太宗。吳越請夷。漳泉來歸。薄伐太
 原。遂債北漢。而海內一矣。王侁東都事畧。用東漢隗囂公孫述例。
 置孟昶。劉鋹等於列傳。舊史因之。今倣歐陽修五代史記列之。世
 家凡諸國治亂之原。天下離合之勢。有足鑒者。悉著於篇。其子孫
 諸臣事業有可考者。各疏本國之下。作列國世家。

[Faint bleed-through text from the reverse side of the page, including characters like '唐', '自', '安', '史', '之', '亂']

雖做歐例而筆力遠遜○迺其用心之勤○考論之詳○有足尚者○末段自著其善亦不云夸

周三臣

五代史記有唐六臣傳示譏也○宋史傳周三臣其名似之○其義異○烏求所以同則歸於正名義扶綱常而已○韓通與宋太祖比肩事○周而死於宋未受禪之頃○狀不傳於宋則忠義之志何所託而存○乎○更難李重進舊史書叛○叛與否未易言也○洛邑所謂頑民非殷○之忠臣乎○孔子定書不改其舊稱焉○或曰三人者嘗臣唐晉漢矣○曰智氏之豫讓非歟○作周三臣傳○三臣不肯為宋有其義甚正○其忠甚著○故繫之周以美之○中間○自為質辭筆力翔舉○至仰託孔子占步尤高○

外國

昔唐承隋後，隋承周齊，上遡元魏，故西北之疆，有漢晉正朔，所不
建者，狀亦不過使介之相通，貢聘之時至而已。唐德既衰，荒服不
至，五季迭興，綱紀自紊，遠人慕義，無所適從。宋祖受命，諸國削平，
海內清謐，於是東若高麗，渤海，雖阻隔遼壤，而航海遠來，不憚跋
涉。西若天竺，于闐，回鶻，大食，高昌，龜茲，拂林等國，雖介遼夏之間，
筐篚亦至，屢動館人，黨項吐蕃，唃廝囉，董氈，瞎征，諸部，夏國，兵力
之所必爭者也。宋之威德，亦暨其地。又間獲其助，烏交，吐占，城真，
臘，蒲耳，大理，濱海諸蕃，自劉鋹，陳洪，進來，歸接，踵修貢，宋之待遇

亦○得○其○道○厚○其○委○積○而○不○計○其○貢○輸○假○之○榮○名○而○不○責○其○煩○縻○來○
則○不○拒○去○則○不○追○邊○圉○相○接○時○有○侵○軼○命○將○致○討○服○則○舍○之○不○黷○
以○武○先○王○柔○遠○之○制○豈○復○有○加○於○是○哉○南○渡○以○後○朔○漠○不○通○東○南○
之○隙○以○及○西○鄙○冠○蓋○猶○有○至○者○交○人○遠○假○爵○命○訖○宋○亡○而○後○絕○焉○
女○直○在○宋○初○屢○貢○名○馬○它○日○疆○大○修○怨○於○遼○其○索○叛○臣○阿○疎○責○還○
所○掠○宋○詔○猶○知○以○通○宋○為○重○及○渝○海○上○之○盟○尋○構○大○難○宋○遂○為○所○
繼○辱○豈○非○自○取○之○過○乎○前○宋○舊○史○有○女○直○傳○今○既○作○金○史○義○當○削○
之○夏○國○雖○伯○御○不○常○而○視○金○有○間○故○仍○舊○史○所○錄○存○焉○
諸○國○為○經○宋○事○為○緯○錯○縱○歷○落○如○摹○山○光○樓○記

蠻夷

古○者○帝○王○之○勤○遠○畧○耀○兵○四○裔○不○過○欲○安○內○而○捍○外○爾○非○所○以○求○
逞○也○西○南○諸○蠻○夷○重○山○複○嶺○雜○廁○荆○楚○巴○黔○巫○中○四○面○皆○王○土○乃○
欲○揭○上○腴○之○征○以○取○不○毛○之○地○疲○易○使○之○衆○而○得○梗○化○之○氓○誠○何○
益○哉○樹○其○酋○長○使○自○鎮○撫○始○終○蠻○夷○遇○之○斯○計○之○得○也○朕○無○經○久○
之○策○以○控○馭○之○性○脆○之○性○便○於○馳○梁○或○以○讐○隙○相○尋○或○以○饑○饉○所○
逼○長○嘯○而○起○出○則○衝○突○州○縣○入○則○負○固○山○林○致○煩○興○師○討○捕○雖○能○
殄○除○而○斯○民○之○荼○毒○深○矣○宋○恃○文○教○而○畧○武○衛○亦○豈○先○王○制○荒○服○
之○道○哉

通篇言其大勢利害鑿然未只以一語歸結宋事永昭鑒戒此
法前史多有之

[Faded vertical text, likely bleed-through from the reverse side of the page]

卷之

我需言其大辨利害。然亦只以一語點結。不事其詳。此
法前史多有之。

